

四佳集

十三

詩

芝人

~16
2415
13



2415
/8-13



四佳詩集卷之五十一

第廿四

詩類


戊申二月初三日夜夢作五言四韻
夜睡覺歷歷可記平明盥櫛而坐欲書于紙
則盡忘之但記千金元有價一璧本無瑕一
句而已吟成一絕誌之

黃金有價璧無瑕至寶人間儘可誇碌碌如予錢
不直夢中佳瑞向誰多

送謝恩使成中樞健三首

天子龍飛第一春遠頒丹詔遣詞臣皇恩溥博乾
坤大睿澤汪洋雨露新千載一時逢盛際八荒四
海仰深仁朝鮮優荷殊尤寵感激無由徹紫宸

四佳詩集卷之五十一



君能早誦三百篇奉使如今對可專壯志豈居司
馬下大觀當置頴濱前三千禮樂規模壯百二山
河表裏堅昭代揚休真盛事明庭敷奏况才賢
大明宮闕屹峩嶠黼座天臨覲赭袍雲擁瑤墀分
五色日暉金殿麗層霄衣冠接武下官盛玉帛盈
庭萬國朝去矣飽觀周禮樂也疑身世控鸞簫

寒食有感

悠悠逢冷節忽忽感流年已宿茶爐火曾寒粥竈
烟湛嗟辜拜掃自是抱沉軀身世真如此無由費
酒錢

福慶歸廣州拜掃

寒食東風又一年憐渠莫掃拜新阡紙錢燒罷歸

來後山北山南哭杜鵑

寓興

獨倚繩床岸帽烏春光濃暖潤於酥黃扉勲業時
將晚白首文章氣轉麓萬事無成慙面目一生有
命信頭顱細思物理都為妄拔劍高誦擊酒壺

春雪

臆前何不呈三白春後還來闔百紅乍學梅花粧
夜月先偷柳絮舞東風可憐見日都消盡無計成
冰旋作空頃刻玉山非我愛驚心篁竹失青葱

春日書懷

世事商量薄似綃光陰容易雪同消摩挲未試三
稜劍漢落無容五石瓢好對青山長偃蹇閑眠白

畫可逍遙春愁春興誰深淺紅杏粘枝月半霄

春閨怨

春風昨夜吹洞房杏花零落桃花香短屏月色瑤
璃光半被老却雙鴛鴦強撥琵琶不成曲淚痕點
染臙脂額春愁如許深似海青鳥一去無消息

寄子固

君家人說是桃源春政佳時花政繁一點紅塵飛
不到能容俗客許敲門
一春強半病侵尋牢落閑愁抵海深羨殺主人詠
舞地小娘纖手撫瑤琴

閑題

風光流轉歲時遷老病蹉跎自可憐携妓青樓迷

昨夢抱孫白髮又殘年劍如有用何須匣琴本無
聲不用絃經濟才疎衰亦甚要憑文字永流傳

謾吟

一簾微雨寂無譁兩眼昏花兩鬢鬅殘醉瞢騰春
拍拍高吟取次日斜斜曾知世故多於織休怪人
心薄似紗荏苒光陰不容瞥小園開落無數花

春懷

崎嶇世味飽辛酸節序如流走急灘布穀催耕呼
雨至子規啼血怨春殘優游頗覺江湖大俯仰方
知宇宙寬白首宵然迷出處夕陽無語獨憑闌

走次鄭大司成

孝桓

見寄詩韻四首

佳麗南原別有天思君不見又三年一封信字千

金直說與來人仔細傳

杏艷桃嬌又一年春風柳絮白於絲可憐如此好

時節恨不相逢一粲然

出處行藏自有天山林高卧送流年聖君方急思

賢夢微詔明朝驛使傳

雲物今年似去年天涯芳草綠芊綿白頭青眼相

逢處樽酒開歡豈偶然

幽居

幽居殊寂寞病骨倍清癯歲月烹羊腓功名捋虎

鬚誰騎仙鶴駕難得睡龍珠伎倆吾全少文章足

自悞

虛名

虛名五十載却怕二毛侵中散交遊少文園渴病
深夢尋芳草句醉賦惜花吟天地知音寡宵宵月
滿琴

小院

小院春長在孤扉晝不開呼兒栽藥草隨意坐莓
苔舊硯時還洗新詩且細裁幽懷難自遣聊復舉
深杯

春日感懷三首

小塘芳草燕飛飛花發無言春欲歸我亦趁春欲
歸去故山薇蕨也應肥

頭邊歲月疾於飛春政歸時我不歸滿地萋萋荻
芽出河豚欲上盡情肥

柳絮因風作雪飛
幽禽喚起又催歸
山中昨夜一犁雨
水入前江綠政肥

即事

鵲噪高枝午夢醒
空齋不語倚疎檉
無人倩寫換鵝帖
有客虛傳相馬經
閑愛香爐燒楮拙
渴思茶鼎煮蓼苓
悠悠身世真如此
千載聲名愧汗青

小院

小院深深春晝長
感時觀物思微茫
廉纖細草安排長
點綴幽花斷續香
歲月悠悠詩滿篋
乾坤蕩蕩酒盈觴
無人知我平生興
李白風流杜甫狂

儒冠

儒冠多落托
昭代幸遭逢
著述慙司馬
文章愧士

龍宦情與綃薄歸
心同粥濃功名知
不分并載忝君封

次權叅議韻三首

可憐晉室為劉室
自是淵明似孔明
三徑柴桑一處士
煌煌史筆特書名

右詠淵明

幕天席地身如寄
枕麴藉糟樂亦隨
已向醉鄉頌酒德
紛紛餘事都不知

右詠劉伶

鵬鷄由來自不同
須知稟性出天公
區區齊物齊何物
欲喚南華為折衷

右詠莊周

次權叅議韻

已謝浮名開綠野不須大藥駐朱顏
三杯軟飽黑甜後杜宇一聲春晝閑
多君早退能全節愧我虛名已誤身
悵望堯羅歸不得春風到處蕨芽新

戲次李次公詩韻

水鍾寺下月谿路水入龍津漲幾蒿
伐木詩人吟已苦從流舟子價應高
身世自知同泛梗江河會信不容舸
閑門終日蕭蕭雨坐對青銅鑷白毛
腰裊垂楊拂小簷因風乍學舞腰纖
庭心芳草綠初遍墻角杏花紅滿粘
值此一春好時節不須四美能得無
誰招病客拚高會終日深杯滿意拈

再用前韻

崎嶇官路知幾曲平地風波亦沒篙
自笑詩名時漸減如何物價日增高
人情飄轉隨風絮世事浮沉駕海舸
忽得新詩真寡和吟安一字刮龜毛
歸來燕子語巡簷芳草池塘碧更纖
愁本有根和雨種春曾無繫煮膠粘
霜餘竹節同詩瘦風送花香與酒無
老病情懷空寂寞多時閣筆懶重拈

金堤崔太守潘送生薑走筆以謝

殘年纏百疾無物補枯腸自有君臣藥
那無子母薑丁寧書已至珍重義難忘
我亦學尼父從今不輟嘗

睡起有作

狂謀謬筭又殘年身世陶然北牖眠萬事堪驚雙
鬢改一生何事百憂煎已成玉繫登樓賦欲和謫
仙問月篇桃李滿園香雨過賞春何惜費千錢

三月三日以病未赴都試

六十九年三月三春光雖好病何堪風流尚想斯
文會桃李滿開紅正酣

偶吟

身世蘧蘧夢未醒年來耆舊盡彫零老懷已作霑
泥絮浪跡還同逐水萍可惜花鬢如我白不知柳
眼為誰青春風吹倒烏紗帽晚節風流擬管寧

次曹咸陽律韻

使君聲譽不蹉跎東閣吟梅舊姓何自笑白頭老

學士殘年寂寞子雲家

功名自古患憂餘進退行藏愧兩疎多病掩門今
二載故人皆著絕交書

相思南北歲蹉跎花落春歸可奈何忽得新詩聊
自慰文章知復已成家

頭流山聳萬丈餘學士樓前竹影疎盡日訟庭清
似水吟詩纔罷又看書

百年世事已蹉跎衰病其於白髮何悵望故園歸
不得宦遊無日不思家

酒癖詩顛態有餘自知經濟術還疎稀年致仕今
年事已草歸田乞退書

暮春

去去春如客遲遲日抵年與花同一笑共柳更三
眠小雨初移竹新晴為種蓮安閑聊自適不必學
神僊

次正使翰林侍講董越登漢江樓韻

畫棟飛甍蘸碧江奇觀可與岳陽雙南薰一陣開
珠箔東日三竿上綺窓遠岫浮空屏邈迤鶩湍觸
石玉琤琮使華五鳳樓前手健筆縱橫大似扛

又

使節駐江濱層樓高入雲題詩壓崔顥作記倒希
文磊落才誰敵風流氣不羣高談方衮衮不覺已
西曛

次泛漢江韻

樓前碧玉流盪漾興酣休花落鷓鴣岸草萋鸚鵡
洲蒼崖隨地盡白浪颯天浮晚向西湖去長風穩
送舟

次獻魚韻

漁子雙鬢蓬得魚爭効功鯽曾思杜曲鱸已勝吳
中浦口初齊舫竿頭為捲蓬江湖無盡興先問釣
鼈筒

次楊花渡韻

不用張騫犯斗撻漢江春浪漲桃花徐牽錦纜綠
蒼壁閑倚珠闌望白沙近海已迷蓬島路尋源欲
訪武陵家玉堂學士東遊日山水登臨眺覽賒

次望遠亭韻

海門斜日更登樓，豪氣元龍未罷休。遠近峯巒來拱揖，一雙鳧鴨對沉浮。喜看滕閣留神筆，宜復蘭亭記勝遊。他日錦袍鑿窟上，可能記我海天頭。

次副使工科給事中王敬漢江韻

纔罷瓊筵更下樓，徐牽畫艇作清遊。蘭亭觴詠時方好，赤壁風流可少留。取次沿流仍解纜，從容尋壑亦經丘。晴川芳草知何處，歷歷漢陽鸚鵡洲。漢江新漲幾篙深，面面遙岑聳碧簪。萬頃滄波噴白雪，千條弱柳撚黃金。落花飛絮三春興，流水高山大古心。惆悵星軺留不得，神州遙指馬駸駸。

又

漢水綠如染，風花高下飛。波光迷潏灩，山氣薄霏

微已識，放船好。唯須待月歸佳期，不可再勝賞。莫相違。

水國東西岸，澄光上下天。魚龍驚鼓角，鷗鷺避樓船。花氣蒸紅霧，山光羃翠烟。暮春當令節，斗酒詩百篇。

登樓仍泛艇，在在興清酣。玉斝傾新酒，金盤薦美柑。江山多絕勝，風月可論談。星使驚人句，才名斗以南。

次望遠亭韻

水去無邊白，山來未了青。蠶頭連古渡，鼇背起新亭。已辨江頭醉，堪悲澤畔醒。夜深宜酌酌，更起倒雙瓶。

四
月出黃金餅溪回碧玉灣江山足登眺樽酒亦闌珊
邂逅緣非淺分離意頗關明朝回使節矯首望
燕山

茅簷

茅簷短短柳陰陰扶坐晴窗獨苦吟春晝正長誰
問疾有時拈取古方尋

暮春即事

柳鞦韆嬌花更繁氤氳和氣遍林園等閑又被青
春惱竹徑蓮塘置酒樽

寄雙溪齋桃花洞

北嶽攢青矗幾層雙溪流水碧澄澄桃花萬樹紅
如海未必桃源在武陵

惜花

有底風花急堂堂春欲歸居然綠已暗忽爾紅正
稀點水魚吹去穿林燕蹴飛可憐衰病客獨此惜
芳菲

春暮

瞥眼青春去渾頭白髮垂詠歸思點也脩楔憶羲
之花柳自無語江山如有期詩成還自笑不似少
年時

題秋部楔飲圖二首

古說秋官是劇曹諸君遴選一時豪平反有道明
於鏡盤錯如神快似刀簿領多時除弊事壺樽長
日樂清朝風流盛事無人識宜倩龍眠上畫綃

行樂諸君日幾回
聯鞍今復出城來
藏魚寺裏山如畫
遮日岩邊水似苔
松竹玲瓏搖綺席
葡萄萄激灑
灑凸金盃江山如此歡無盡
扶醉歸來逸興催

蘇仙赤壁圖

玉堂學士東坡仙
風流人物天下先
赤壁形勝擅黃州
天教一謫逍遙遊
蘭槳桂棹截紅流
月小山高天地秋
手攀牛斗相徘徊
潛蛟已舞玄鶴來
當時行樂絕代無
二賦流傳天壤俱
先生氣節凌宇宙
先生文章煥星斗
追憶先生四百年
赤壁風月還依然
我今為賦赤壁詩
欲喚先生醉一卮

戊午同甲契軸

戊午是初度諸君伯仲間
同時班玉筍永好托金

蘭人物咸推重
功名孰可攀
尋常拚勝會
高興未闌珊

惜春

未成終老計
空有惜春心
竹下碁先拂
花前酒復斟
園林殊寂寞
山水欲登臨
身世衰無病
幽懷自不禁

移病

移病居閑頗寂寥
交遊零落更無聊
流光都付書籤過
幽憤全憑茗椀澆
柳韉長條齊水面
竹抽新筍過牆腰
倚闌無語斜陽外
何處玉人吹洞簫

送柳正郎

陽春

還鄉六首

落花飛絮感流年
送別情懷倍黯然
疾病沉緜吾

已老功名蹭蹬子堪憐儻來軒冕皆身外此去家
山墮眼前訶罷陽關翻一笑英雄行止惣關天
自古名場足駭機年來心事子多違人情膠擾多
翻覆物議崩騰惹是非自信貧藹會抱節那知意
茲亦招譏南歸莫作仍留計催詔行當不日歸
羈懷官况惣悠悠進退行藏不自由無奈文章憎
宦達頗知才命與仇謀能詩子美將誰敵作賦相
如已寡儔肉眼紛紛知者少轉喉觸忌亦堪愁
造物由來戲劇多蹉跎如此奈君何會知世事紛
如織休怪人情薄似紗別酒深深春拍拍離愁段
段日斜斜滎陽何處君家是南望山川道路賒
珍重柳州報國心如何偃蹇少知音一毫已錯元

非鐵萬口能銷自有金我愛仲宣樓上賦君追莊
舄越中吟離亭楊柳傷心色北樹東雲思不禁
惆悵年年慣別離一椀三疊渭城詩平生知己有
鍾子到處逢人說項斯宣室承恩當有日斯文高
價已多時才疎薦鶚何顏面公論分明我自知

書懷

讀書萬卷竟何功千首新詩亦坐窮
麟閣槐堂曾過分白頭身世面長紅

即事二首

看花有客携琴到載酒無人問字來
步履巡園拖健竹夜涼明月更徘徊
乳燕飛飛鷺亂啼小塘春草碧萋萋
悠然攬起歸

田興家在廣陵江水西

詠新荷

亭亭亭下一池蓮出水今年蠶似錢擬見花開高
萬丈更邀太乙共登船

三月晦寄柳正郎更叙別

今日正當三月晦送春無復送君歸春未回時君
正返離亭不必怨西暉

四月初三日園中即事

老槐陰合蛟龍影柳絮飛飛覆桐井閑鉤踈箔倚
輕攏燕小鶯嬌晴晝永政值清和時節好落花如
雨憐不掃穩斟一杯時打睡謝家池塘夢春草
走次孫七休韻三首

山影雜花影松聲交水聲七休老居士宜醉不宜

醒舉酒對山色憑闌聞鳥聲風流君可羨長愧吾獨

醒南山昨夜雨潤物細無聲池塘夢春草宿酒猶未

送富林君之湖南三首

湖南佳麗天下稀公子聲名蓋一時紅雨落花風
細細綠烟芳草日遲遲繁華雲物當時勝眺覽江
山次第奇况此清和逢令節風流何處不相宜
雕鞍駿馬五花明得意南州取次行喜見鶯鶯隨
處有可憐燕燕為誰輕金釵濃興三行密玉塵高

談四座驚說與傍人須洗眼王孫豪氣聳崢嶸
錦江樓下泛蘭舟鵲嶺以南復勝遊柳外驕嘶紅
叱撥花前列坐玉搔頭鷓鴣絕唱思無盡鸚鵡深
杯醉不休惆悵少年行樂處送君今復夢悠悠

書懷

貧病相兼憤未舒多時諱客且閑居自知身世無
閑鍵詩酒顛狂禮法踈

醉時歌

百年三萬六千日一日亦復十二時三萬六千十
二時有酒不飲知何為李白日傾三百杯風流豪
氣由天真我屈平非達者一生長作獨醒人
初夏園興

清晝無人趣政長眄庭終日屢移牀雨抽荷葉方
塘淨風墮桐花小院香乍捲簾看月出浪揮蒲
扇引風涼有誰知我閑中興興或題詩或酒觴

夏雨

光陰曾瞥眼四月雨頻來軟綠初抽筍輕黃已著
梅薔薇曾擺落芍藥已繁開多少園中興尋常舉
酒杯

邀李廣原圍棋

荷葉如錢點小池南薰一陣雨絲絲日長深院無
人到獨坐敲碁有所思

睡起即事

槐影鄰鄰蘸碧潭日長危坐晝眠酣隔林幽鳥多

閑事啼破還鄉夢裏談

福慶歸廣州因憶望月峯

幾回携杖上高丘終日登臨汗漫遊不見江流水
窮處却疑天與山盡頭千年往事思黃鶴十載深
盟到白鷗李白後身空愛月一樽行樂亦風流

閑中

此心閑靜絕囂紛翻覆多時笑野雲更無開口驚
人語只有衰顏借酒醺

病骨

病骨尖纖不勝衣十分今已減腰圍東牀坦腹渾
如夢人瘦誰言尚可肥

蓮塘

荷花出水帖青錢淨洗無塵最可憐忽有長風何
處雨晚香分得小江天

謝成上人惠杖

年來渾似蹙浮屠雙脚蹒跚大半枯忽得贈來烏
竹杖不須坐立倩人扶

馬山途中

碧蹄山接馬山來穩坐藍輿逸興催日暮長風吹
不盡滿汀無數野棠開

臨津渡

早涉臨津渡朝回兩岸平粼粼蒼壁影泛泛白鷗
聲迎送煩殘驛奔馳愧此生松巒森在眼回首十
年情

長湍西軒與崔斯文顯元同賦

幾向桃源洞裏來客軒雲物似仙臺相逢太守開
歡笑更與故人勸酒杯盡日長風翻翠麥連朝小
雨熟黃梅同遊崔子真詩聖黃鶴樓中舊俊才
待許吏部不至用崔韻更賦一絕戲之

久倚西軒待不來也應雲物惱陽臺懽情未罷鴛
鴦夢別淚仍添鸚鵡杯慣見纖腰欺碧柳可憐寶
曆妬紅梅傍人指點風流使北斗泰山吏部才

麻川途中

風輕江燕引雛語雨歇林鳩呼婦啼鳴軋肩輿向
何處山長水遠行路迷

過桃源村

昨夜江城雨一犁野田高下水東西村家農務時
方急稻葉初抽麥穗齊

過白蓮驛里

松楠遠近樹蒼蒼石徑盤回歸路長馬踏野棠花
影去晚風衫袖細生香

望田家

耕罷原頭牛政肥野蠶成繭桑葉稀田翁豈識世
間事白髮青山無是非

瑞谷道中

綠楊十里拂沙堤納納溪橋快馬蹄茅店閉門
人語靜屋頭初唱午時鷄

東坡驛

送旅知幾日客行五月時鶯穿細柳語馬爵芳草
嘶北嶺山來遠南江水去遲催歸向官渡薄暮雨
絲絲

醉眠

芍藥階邊池水明黃梅院落絲雨晴醉眠盡日無
人管驚覺流鶯時一聲

園中即事

時序端陽近園林遍綠陰蠶綠抽白雪梅子染黃
金舊燕花間語新鶯柳外吟日長饒睡興一酌滌
煩襟

閑中

白髮紅塵閱世間世間何樂得如閑閑吟閑酌仍

閑步閑坐閑眠閑愛山

池上偶作

小塘新漲碧連漪多少花枝間竹枝掠水幽禽瞥
眼過尋芳戲蝶隨意移馮唐已老才何用中散多
慵事可知長日閉門空寂寞或譌或酌或吟詩

巡園

手携烏杖獨巡園瓜蔓縣縣芋葉翻肉食廟廊非
我事擷蔬聊可助盤飧

送忠州黃牧使允亨三首

黃丞相後山谷孫家業箕裘又見君早歲才名殊
藉甚明時揚顯藹孤騫會知溫郡亭公論今牧忠
州策大勳已有先聲動南國懽迎父老擁朱轡

今時刺史古諸侯受命分符寵渥優直以循良頻
出宰更將盤錯好為州謳謔襦袴千家樂雨露
麻百里稠掃盡簿書清似水鳴琴閉閣自優游
光膺妙選作遨頭忠又東南第一州畫戟韋郎香
晝寢習池山簡醉風流金灘波灩龍紋細月岳雲
開黛色浮憶得少年宦遊處送君情思更悠悠

端午前一日

一年時序又端陽細切菖蒲酒滿觴六十九年浮
世事可憐雙鬢白如霜

述懷

繁華無夢已多年老病情懷又悄然手顫尚堪傾
河盞眼昏猶未闕書編東窻明月真知己北牖清

風不費錢晚節逍遙聊適意何須大藥學神仙

即事

閑憑竹枕岸巾紗時有奇香動芰荷蛺蝶飛飛不
歸去滿庭開盡鶯粟花

高鄰兄請菖蒲艾葉持贈之仍寄一絕

蓬頭何用艾盈腰可切青蒲泛白醪蘭芷亦芳驚
節物滿窻晴日讀離騷

端午

五日是重午一年方令辰居然炊黍飯忽爾逢艾
人池藕紅初細庭蘭綠更新一盃蒲節酒獨酌與
誰親

漫吟

一生心事與時違，垂老飄零已覺非。
靖節何時三逕去，季真誰許四明歸。
携兒盡日巡蔬圃，諱客多時掩竹扉。
記得田園昨夜夢，小溪新漲鰕兒肥。

夏日即事

方塘五月藕花開，梧影如龍卧碧苔。
獨倚小窻寇不整，晚鶯啼破黑甜回。

詠筍

昨夜園中雨如酥，土脉起膏肥且腴。
朝來蔣徑篁竹林，籜龍無數生新雛。
尖新迸出犀角橫，錦棚新濯豹紋斑。
挿棘編籬宜護視，擬見如束青琅玕。
蜿蜒百里蟠深根，危梢萬丈高拂雲。
伶倫合律來取之，亦有食實栖鳳時。
如何後人殺風景，剪伐燒烹

五味鼎文同太守，食已饒玉版老師。
滋味添平生，我無燒笋心。玠重愛惜雙南金，
不學白香山愛之。不思肉不學蘇雪堂，
為賦貧簞谷。此君亦復有此孫，貞心勁節餘風存。
我當勤著栽培功，與尔切磋全始終。

有感

當年金榜卅三人，卅二人為松下塵。
白髮唯餘老物在，感時懷舊暗悲辛。

閑題

黃塵萬丈沒烏靴，奔走東西兩鬢華。
晚節優游聊自適，芙蓉院落寂無譁。

述懷

文章經濟術皆踈拙分唯宜早退居廷尉宅前今
有雀孟嘗門下本無魚老來簪紱徒為累死後聲
名亦是虛自斷此身當自斷人生天地一蘧廬

移病

移病無公事幽居得自閑開窗臨碧沼捲箔對青
山細雨荷花膩清烟筍籜斑雖然在城市亦不似
塵寰

梳頭

年來頭髮白於綠顛手時還強自搔一日千梳仙
訣在平生無意學松喬

感懷

六代經帷侍從臣立朝四十五餘春當時豪傑皆

凋謝獨我飄零白髮新

謾書

屈指交遊似曙星獨携形影瘦伶俜一生狂興思
浮白千載虛名倚汗青何日得成南郭隱多時自
愧北山靈蹉跎於世終何用紗帽風流愛管寧

栽洋

栽洋一曲少知音自信平生磊落心羞把烏紗籠
白首解衣盤礴老松陰

自笑

竊祿崇班已素餐才疎補袞亦何顏只將翰墨供
清翫時復壺觴講小歡自笑嵇康慵是性人欺元
結漫為官白頭遍試人間事轉覺功名兩字難

既賦自笑詩又成一首亦所以自嘲也

自笑今時矍鑠翁少年交道盡英雄紅塵萬丈頭
雖白白酒三杯面已紅每憶古人心默契若聞時
事耳偏聾一生憂樂皆安分肯學昌黎賦送窮

觀物

萬機花錦萬錢苔幾日天工費剪裁物物自然生
意足老夫觀物思悠哉

嘆老

雙鬢毵髯兩眼昏百年懷抱向誰論有時欲蠟東
山屐多日頻開北海樽滿眼詩書閑歲月掩門花
竹靜乾坤殘年尚友南華老獨擬枯梧喪我存
謝韓鄰兄送櫻桃

舍桃一一似金丸至味清甜絳雪寒嚼破還驚凡
骨換不須仙鼎九還丹

自寬

雲龍際會早攀緣咫尺清光近御筵不分犀腰可
知足多情鶴髮已垂肩慙無方朔三千牘剩有放
翁一萬篇遮莫傍'欺醜拙他時名字要青編

閑居即事

錦鴻催雨一雙啼閑捲湘簾小檻西忽有長風吹
不盡落花繚亂送香臍

蓮塘

芙蓉開盡淨無泥香霧霏霏月欲低忽此隔花聞
笑語不知身在若耶溪

戲書道經後

長日難消遣隙編架拂塵病訝醫方誤老耽道訣
真不慙垂鬢雪自信滿腔春若見老君面宜先問
谷神

僻地

僻地柴門迥編茅補小齋百年堪寂寞萬事自安
排歲月雙飛鳥行裝一網鞋居然此身世物我總
忘骸

賞蓮

荷花無數灑方池綠影紅香雨更奇盡日看看吟
不足晚涼扶杖立多時

夏日池亭

小風一線顫巾紗閑倚青奴睡味多日復帚愁惟
有酒時能解渴可無茶臨窻龍影梧桐樹隔水麝
香菡萏花獨坐無人過夜半碧空如水月如波

永川申使君詩卷二首

遴選知公論為州子所能撫民如種樹履事似治
繩襦袴千家樂謳誦萬口騰他年治第一褒詔為
催徵

有美明遠樓樓臨二水頭使君推渤海雲物勝蘇
州地接鷄林曉天低鼇岫秋政成無一事日復習
池遊

自詠

斗室蕭條膝可容坐來詩思轉醒鬆柳濃庭院鶯

聲老花盡園林蝶舞慵病後尋方求藥草閑中閱
譜煮茶茸有時自酌三杯酒為盪從前磊落曾

閑趣

藥圃蔬園共接籬僻居閑趣少人知
槿花枝上絲雨政是幽人睡足時

殘花

一夜紅芳風擺殘榮華消歇已無顏
依稀寶曆看猶在惆悵香魂返亦難
深院日長春寂寂空階雨滴夜漫漫
悠然更待花時事討菊尋梅次第看

白髮

雙鬢蕭騷白雪垂半因多病半吟詩
無心更鑷偷年少攬鏡時時笑我衰

幽居獨酌筍杯

頗得幽居趣全拋塵世心江山供病眼花竹屬閑
吟正坐耽詩癖堪真戒酒箴無人來共飲獨愛碧
筍斟

池亭即事

晴池激灩鏡開奩為愛荷花不下簾
入夜襟懷清似水香風滿袖月當簷

借竹寄沈豐山

君家脩竹滿園栽露葉烟叢翠似堆
珍重此君吾所愛何妨分與一枝來

種竹

新梢帶雨綠含滋手植庭除亦得宜
何日春雷能

起蟄青青生長穉龍兒

護竹

舊竹又無新竹徑今人誰繼古人風子猷一去知音少只有四佳一老翁

蓮亭雨後對酌

溪雲初起山日斜小雨洗拭芙蓉花呼兒且問有酒無酒熟不須東家賒三盃取醉發興新老覺肝膽生輪困詩成隨手霹靂催揮毫落紙如有神人生行樂貴適意富貴榮華非所覲世間得失謾紛紛畢竟輸贏一局戲君不見四佳亭前三徑菊四佳亭後一畝竹南池紅藕大於艇鴈前梅花如雪白四時萬物各流形隨遇感興怡神情醉則自醉

醒自醒不用萬古身後名

即事

庭院深深晝政長岸巾揮塵坐焚香晚風一快荷花雨帶得南池水氣涼

雨

五月林塘靜崇朝雨未收簾櫳全退暑枕簟欲生秋嫩綠初添筍嬌紅已綻榴幽懷難自遣酒可屢行籌

衰頹

衰頹黃更瘦短髮白無餘落托從人笑蹉跎與世踈浮生如過客樂地即吾廬機事都拋盡壺樽且自如

題畫

花映簾櫳柳掩扉鶯聲迤送燕雙飛美人睡起渾
無事笑插花枝步月歸

述懷

白首詩書歲月淹架頭惟有萬牙籤宦情漸覺蕉
心卷閑興方知蔗境甜風送竹聲喧小枕日移花
影可踈簾自堪寂寞供消遣不學揚郎解著潛

荷花

千丈花開萬斛香牡丹曾愧作花王風流醜藉知
無敵錯料何人比六郎

荷葉

初見新荷疊小錢漸看千朵翠如烟可憐葉大真

如許會作神仙太乙船

荷藕

會聞藕大大於船奇種分明出華顛霜骨蜜脾香
更脆嘗來端可愈沉緜

荷蒲

手把荷蒲喚酒嘗彎彎象鼻更尖長舉頭一吸香
仍冽絕勝瑤池九醞觴

荷房

秋來喜見露蜂房玉子瓊珠箇箇香嚼罷渾驚燕
至味清心可補十全湯

閨寂

閨寂松扉晝不開馴庭鳥雀少驚猜慵來大卧頭

四仙詩集卷五十一
二五
渾雪醉後高眠鼻送雷自信名途多齟齬誰知心
地絕塵埃有時洗手焚香坐細讀柴桑歸去來

閑題

清簟疎簾漾水紋書籤藥裹謾紛紛蜀葵當檻紅
於燒湘竹翻階翠似雲少日虛名黃叔度殘年多
病沈休文卧消歲月長岑寂時復吟哦借酒醺

茅齋

小小幽齋剪剪茅閑扉不許俗人敲可憐狡兔滌
三窟獨愛癡鳩守一巢綠竹鞦韆森玉筍黃梅經
雨凸金梢日長睡味濃於粥便腹邊韶一任朝

烏木杖

可憐烏木杖來伴白頭翁坐立全無力提携大有

功殘生憑仗在到死起居同只恐葛陂夜雷風化
作龍

病後述懷

十年多病渴文園獨坐尋常對酒樽處世多時不
如意逢人到處無與言求賢聖代才難得用拙斯
文道尚存自笑此身無一可要將清白遺兒孫

叙懷

面骨崢嶸鬚已皓功名晚節亦蹉跎紅塵浪跡雙
蓬轉青鏡流年一鳥過不信有方醫酒癖深知無
術制詩魔十年辜負歸田興白鳥滄波奈爾何

夏日即事四首

浮瓜沉李渾閑興燒笋烹葵亦賞心獨倚南窻日

卓午煮茶聲裏費清吟

荷心紅映催詩雨蕉尾青翻解愠風燕語呢喃初

睡覺詩成半醉半醒中

竹徑開碁邀客到蓮塘揮麈約僧談尊羹已滑香

堪愛麥飯新炊味政甘

絲絲細雨熟黃梅安石榴花落又開坐對青山捲

疎箔好風吹送竹聲來

虛名

昇平逢盛際文墨盜虛名輔國多蕭相哀時笑賈
生青春空荏苒白髮又崢嶸多少英雄事端非月
旦評

小塘

小塘深處獵風蒲水淨沙明喜浴鳧萬柄荷花香
雨過十分清興敵西湖

紅葵

南薰簾幕日初長紫艷玲瓏翠萼香莫說區區能
衛足丹心依舊識傾陽

白葵

冰姿雪骨玉精神淡白輕盈不受塵玳重缺誠能
向日不須輕比道裝親

池院

池院清陰裏幽閑一事無編籠收鴿子挿竹護鷄
雛竹槩森森玉荷盤顆顆珠何妨消暑飲酒可遣
完沽

雜興三首 六言

歲課千卷萬卷日用一杯二杯
苒苒春來春去悠悠花落花開

世事雲翻雨覆功名酒醺夢酣
江山自可怡悅風月亦是論談

當面竹君石友知心管子楮生
白晝黃梁一枕烏巾白髮千莖

走次七休韻三首

南山當戶絕纖塵衫袖龍鍾醉
墨痕誰識亭亭上興蒲池紅藕
一番新

休休院落隔紅塵屐齒斑斑印
蘚痕移病掩門長諱容半酣詩
句轉清新

不分龍門接後塵題詩斧鑿有
餘痕陽春一曲知難和白髮年來
種種新

復用前韻但痕字落韻改用入字三首

終南山遠軟紅塵吏隱如君有
幾人自笑七旬老學士名韉未
脫鬚毛新

萬朶芙蓉不染塵紅粧翠蓋似
佳人若教七叟來相訪醉舞狂
謔發興新

脩竹千竿不受塵黃梅籬落已
生人逢君如欲消長日滿甕浮
蛆色味新

病後述懷

殘年生活日飄蕭多病沉綿不
復聊衰謝早搖韓子齒瘦消先
減沈郎腰人情政似分狙栗世
事真

同覆鹿蕉自笑襟懷多磊砢有時憑仗酒能澆

謝曹咸陽送扇

酷熱如酷吏清風來故人尋常在掌握奉揚使君仁

小醉縱筆

小窻寄傲對南山萬事浮雲不我關未信還丹能却老不如浮白且偷閑極知毀譽皆身外須把功名比夢間自哂踈狂詩酒癖醉吟披豁露天慳

對荷花有感

昨夜顛風狂雨來朝回齒齒半紅頰看看一粟翻成笑次第餘花續續開

雨

崇朝簾幕雨亦是洗炎氛細愛花間聽清宜竹上聞荷心珠可數池面縠生紋獨坐閑相伴詩成俟酒醺

三用前韻寄七休七首

自古山林隔市塵急流勇退絕無人如予亦是悠悠者白首功名歲月新

幾年京洛走風塵箕斗虛名愧古人七十明春當致仕一生終始聖恩新

年來多病肺生塵酒困詩荒易誤人子有鹽梅調鼎手殷勤自惜姓名新

性癖平生厭俗塵知音除子復何人白頭飽閱世間事覆雨翻雲變態新

斗室生虛自不塵北窓高卧一閑人光風霽月尋
常興袞袞天機物化新
茅齋日掃淨無塵松菊前頭作主人隱几高眠消
酷暑葛巾蒲扇紵衫新
朝來香雨浥輕塵相對荷花是故人急喚小娥供
一酌題詩葉上語尖新

夏日池亭有懷

老梧百丈龍鳳影濃陰纂纂覆甃并朝來小雨響
蘆葦小鴨睡殘猶未起荷花滿沼特地竒高揭湘
簾覓句遲悵望江南思美人美人不來空傷神

病後自遣

光陰鼎鼎向誰催雙鬢紛紜雪滿堆救夜養生仍

養性劉伶忘死未忘骸生涯自昔清於水心地如
今寂已灰斗酒半酣詩百首人間此樂亦悠哉

夏日

清風院落卧前簷隨意吟哦興轉添林酒椰杯香
更妙豆湯崖蜜味新甜竹聲瑣碎長留砌花影扶
疎半入簾閉閣直揮襜襖子待看東嶺上銀蟾

即事

蒲庭闕盡蜀葵花日晚黃蜂未罷衙睡覺小窓思
轉渴一瓶新水自煎茶

小醉

羊腸世路幾崢嶸白髮欺人續續生千首詩成渾
漫與欲憑酒陣破愁城

故園

故園吾有徑三三水色山光浸碧嵐且問何時搖
艇去鷓鴣烟雨滿江南

大雅

大雅寥寥久不聞不才長愧忝斯文生無奇論傾
時輩死亦何人揖盛芬作賦敢窺屈宋與著書難
繼班馬薰自笑生平蛙沸耳如何亦復白頭紛

演雅

宦遊無處不羊腸破帽寒驢歲月忙無力負山同
蟻蠓何心拒輟擬螳螂龍鍾身世從人笑鶻突聲
名信我當睡覺午窓人政靜閑烹雀舌味尤長
荷花始衰有感二首

臨池終日對荷花觴咏多時雅趣加箋告天公鎮
長好綠多紅少奈愁何

池水澄澄鏡面開藕花零落錦成堆餘香馥馥來
無數倚杖閑吟步月回

叙懷步

臨銅却怕鬢如絲心事渾非少壯時長抱一生玄
晏病更無三絕虎頭癡風流落魄都因酒慷慨蹉
跎正坐詩晚節至今迷出處行藏直欲問著龜

巡菜圃有作

君不見早韭晚菘周覲興菘菜萼絲張翰樂又不
見文同太守饞筍脯易簡學士愛葍汁人生適口
是真味咬菜亦自能當肉我園中有數畝餘年年

滿意種佳蔬蕪菁蘿蔔與高蔴青芹白芋仍紫蘇
薑蒜葱蓼五味全細燂為羹沉為菹我生本是藜
藿腸嗜之如蜜復如糖畢竟我與何曾同一飽不
須食前方丈羅膏粱

紅塵

萬丈紅塵歧路長出門何處覓亡羊從今盡棄人
間事擬共閑僧學坐忘

睡覺

紗帽籠頭紵袖輕藤牀竹簟小風清日方卓午眠
初穩驚覺荷盤滴雨聲

用前韻

芳草池塘燕燕輕深深院落樹陰青青山相對釣

簾坐聞得新蟬第一聲

三用前韻

竹影松陰暮地輕納涼池館更淒清晚來一快南
風雨最愛芭蕉葉上聲

苦吟

早歲功名累此心曾無報効到如今逢人莫說為
儒貴白盡髭鬚獨苦吟

對月小酌

娟娟一輪月照我無絃琴甕頭初發醅滿意成獨
斟停杯謝明月夜夜頭上臨更願揚清輝明我千
古心

幽懷

幽懷何悄悄往事政悠悠處世三無愠論時百不
憂未堪詩壘將欲乞酒泉侯荏苒時將晚蒼茫獨
倚樓

即事

花滿階除竹掩門我家籬落似江村鷓鴣啼罷溪
雲黑山北山南雨氣昏

池上晚吟

半畝方塘貯碧流菰蒲蘆葦弄輕柔日斜垂釣悠
然興占得江湖十頃秋

走次閔斯文

奎韻

老去衰顏借酒紅也宜多釀願年豐君能五斗醒
初解我亦傳家時一中

雨後池塘

新水玲瓏鏡出匳晴波炫日漾疎簾軒窗六月涼
於水身世陶然付黑甜

殘年

殘年索寞坐無能雙鬢堪驚雪百層有夢尋盟親
白鳥無時快意臂蒼鷹詩書自信心腸苦言語入
皆面目憎長愧防賢空竊祿江湖歸思極蜚騰

李次公來訪奉寄

百年交契托心知才思飄飄蓋一時請子休誇鸚
鵡賦慚余空詠鷓鴣詩黃金難償虛名誤白雪能
欺兩鬢衰帚盡紛紜浮世事相逢莫惜把深卮

二伏三首

三伏炎雲大地爐蒲街寇蓋汗翻珠病衰閑寂誰
如我北牖清風颯雪鬚

一椀香茶小點冰啜來端可洗煩蒸閑憑竹枕眠
初穩客至敲門百不應

疊雪輕衫闊袖裁平鋪竹簟滑於苔開窓挂芻青
山晚頭上催詩雨亦來

自慙

自慙非分主斯文物議崩騰不可聞豈有搗章詞
吐鳳初無作賦氣凌雲逢人敢詫黔驢技衛國會
微汗馬勲老去酷耽文字飲肯隨年少醉紅裙

足疾

年來病蹙已忘形時復蹒跚曳杖行跛鱉可憐猶

蹙躡蹇驢何事獨竚石頭無計一蹠足鑿齒由
來為半丁斷不紅塵迷失脚可能徐步摘明星

客來

客來相對坐圍棋一局消殘舉酒卮客醉欲歸勤
挽袖芙蓉葉上勸題詩

題詩

題詩長愧拙還蕪消遣情懷捨此無瘦處始知同
飯顆癢來方覺似麻姑速成那得八叉手苦詠真
能雙撚鬚馬上推敲迷二字浪仙無奈是吾徒

流頭

殘年驚短髮今日是流頭暑退林塘雨涼生竹院
秋乾坤容病骨江漢滌塵愁三五月當好悠悠獨

倚樓

林亭

絕愛林亭靜琴書亦是娛幾年磨鐵硯終日對銅
爐池淺魚生子簷虛燕引雛客來聊笑語無酒遣
兒沽

題薇垣圖二首

紫薇花下紫薇郎接武蜚英揔俊良已見批龍能
諫職更聞鳴鳳動朝行從容奏對趨丹陛慷慨封
章上皂囊焚草歸來無一事尋常高會醉霞觴
憶會承乏為大夫補袞還慙一字無勁節何嘗腸
鍊鐵疎才自信口含胡追思當日題名記喜見諸
君設讌圖為說他時拚盛會宜容老物費招呼

閑寂

流光苒苒去難追晚節衰遲異昔時司馬可憐多
病渴竇郎其奈坐書癡雖無北海樽長滿自有南
山勺或奇頗厭繁華愛閑寂此心應獨老蒼知

得鷺鷥膏拭刀戲作

我家元有寶金刀夜夜虹光燭九霄出匣鷺鷥膏
刃炫摩挲更拭鷺鷥膏

池上即事

朝來小雨乍霏微池面澄澄綠正肥垂釣門前
荷語翠禽驚拂蓼花飛

謝寧越朴太守寄和製走筆以謝

年來多病瘦蛟螭百藥千方不可憑忽得使君分

妙劑詩成欲謝愧無能

胡蝶辭二首

菜花籬落風更香胡蝶飛來飛去忙採採行嚮白
紵衫東家娘似西家娘

飄葉翻翻花雪白胡蝶飛飛如自得兒童赤手捉
胡蝶狂走籬東復籬北

寄永安李方伯

七十殘齡萬事非交遊零落族親稀
多君今日觀風好知我明朝致仕歸
遠別幾何驚物換相思無盡
成腰圍書來珍重聊開慰南北
年年有鴈飛

晚吟

枯旱連旬雨不來飄飄病葉滿庭苔
日斜深院無

人到唯有飛蚊繞鬚雷

謝永安方伯送崖蜜海錯

老來口業倍深長飽德如今不可忘
崖蜜甜濃蘇病肺江魚肥滑補衰腸
朝饘暮粥猶能辦海錯山珍已備嘗
飲得醲鮮身更健侯家何獨擅膏粱

閑中即事三首

鴨脚樹連羊棗樹鷄頭花映鳳翔花
自知閑處是樂處人道吾家似野家

鼠鬚筆落蠅頭字鷄舌香銷鵲尾爐
高睡多時有黃嬾閑憑無日不青奴

蕉尾翠翻搖鳳尾花鬚香細遶蜂鬚
風敲笋籜森森玉雨浥葡萄顆顆珠

工曹郎廳讌會圖

古說星郎重諸君總俊髦昔時杜工部今日何水
曹遭遇千年盛才名一代高風流開讌會氣象頗
麗豪

自述

一杖一鞋又一巾逍遙自在更怡神功名事業非
吾分壽到稀年有幾人

自笑

可休休日未休休羸被青山笑白頭記得田園昨
夜夢鱸肥蓴滑滿江秋

煩熱

煩熱何由避幽居日抵年欲追南郭隱時復北窻

眠小雨鳴寒玉清風直幾錢生涯隨意足何必學
神仙

池亭即事

青蒲綠葦滿寒塘風攪荷花柄柄香一點紅塵飛
不到黃庭寫罷倚烏牀

立秋

三庚消酷暑一葉報新秋雨滴梧桐老風吹菡萏
愁東吳鱸正美南國稻初收攬我歸田興滄浪泛
釣舟

謝李同年 孟智 餉鱉

老病多時腹已虛朝朝厭見滿盤蔬感君持贈殷
勤意魚鱉嘗來味有餘

寓懷

壯志飄零只可憐
白頭身世轉蕭然
匣中自有屠龍劍
篋裏全無使鬼錢
攬鏡多時驚鶴瘦
卧床終日學蠶眠
浮名浮宦非吾事
宜復詩狂與酒顛

嘆老

百歲浮生黍一炊
中間得失似兒嬉
馮唐已老嗟何及
賀監雖狂晚自奇
酒盡三杯聊興快
詩成萬首足名垂
今年致仕吾當去
曾愧求田問舍遲

秋宵

秋宵苦不寐
攬衣獨餅個
涼風颯以至
蟋蟀鳴亦哀
悠悠感時物
慄慄傷我懷
大化自坎北
四時迭相催
流光背人去
閃倏如奔雷
而我已遲暮
心事

日摧頹
竊悲漸消歇
并與秋草衰
念之不得語
感慨從何來

兒子福慶構別墅於馬場里邀予一遊任西河金光城亦來訪喜作

兒子城東小墅開
兩君珍重為尋來
乘閑出郭聊相值
揮塵開談喜獲陪
剪韭討蓴仍野飯
羹芹鱸鯽更村枵
日斜西嶺消殘暑
滿袖清風恰得迴

途中

石逕依山轉板橋
渡水危停鞭同駐馬
信口更聯詩細草眠牛穩
長林返鳥遲歸田從此始靖節復何疑

明日更憶馬場有作

山園茅屋水園村
棄柘陰中不設門
羅經稻梁迷
壠畝喧呌鷄犬繞
籬藩溪魚初釣肥
堪膾麥酒新
芻已滿盆說與祐之
勤護惜青氈
世世遺兒孫
福慶

西瓜

西瓜斜割月生稜
嚼罷渾驚骨欲冰
已覺此時生
爽塏更於何處避
炎蒸秋霜皎潔光
尤妙崖蜜甜
甘味更仍世事年
來嫌納履青門無
地訪東陵

池院

池院無人晝正長
白衫烏帽可新涼
蜂鬚花藥香
先聞燕觜芹泥濕
不妨嘉果遍嘗宜
病口清茶細
啜沃煩腸閑中
游戲唯詩酒
世事榮枯已兩忘

幽居二首

頗喜幽居愜高懷
誰得知相如長抱病
杜甫酷耽
詩沽酒本無債
買山寧有貲
生涯知自足
其奈更
衰遲

老覺功名錯
閑知歲月淹
竹聲連小枕
花影入疎
簾忽爾遇黃嬾
居然遊黑甜
世情都已遣
白髮為
誰添

悶雨

火雲萬里恣飛騰
坐視田疇兀似僧
當代豈無霖
雨手如何無澤
友黎蒸

四佳詩集卷之五十一

四佳詩集卷之五十一
三十九

四佳詩集卷之五十二

第二十五

詩類

小雨

朝來小雨乍霏霏
俄頃青天白日暉
下土微臣似蠨蝨
自慚無力幹天機

煎茶

絕愛仙茶妙初從
嶺外來澹瓶新汲水
古鼎故鳴雷北焙
分春早南柯喚夢回
我如玉川子三椀要
詩催

豆粥

豆糜烹作粥濃淡自
津津倉卒劉文叔咄
嗟石季倫何人能學
古今我亦嘗新崖蜜
兼冰片啜來味

更真

謝咸陽曹太守贈山谷詩集

太史詩名萬古傳至今
鱸炙幾千篇當時摸範陳
無已後日注箋任子淵
元祐諸君皆屈膝西江一
派孰齊肩雖然蘇老譏評在
伯仲才華孰後先

憶廣津

廣津曾卜草堂開
秋興悠悠日夜催
誰免一生老病死
不如三徑歸去來
黃蘆紅蓼連花塢
白鳥蒼波繞釣臺
已擬封章乞骸骨
登山臨水日徘徊

縱筆

酒或一中多曠達
詩於三上亦清新
自知酒興兼詩興
莫說今人異古人

睡起

徑竹參差與屋齊
榴花開盡壓枝低
小鶯啼罷還家夢
家在廣陵西崦西

閑吟

白日宜高枕青山可小窓
時聞鶯轉百或見蝶飛雙
荷藕大於艇松濤喧似江
平生有幽趣欲訪鹿門龐

新涼詩

昨日大炎汗如雨今日新涼生
尾塵炎涼倏忽手反覆百年悠
悠駒過隙我獨胡為長抱病高
堂白髮悲明鏡安得長繩繫蟾
烏千古萬古懸天衢自然玉燭
調四時炎涼寒暑皆得宜我亦
鼓腹長熙

熙

秋夜

清夜沉沉睡不成
寒燈挑盡欲殘更
開簾月在梧
桐上
蟋蟀胡然惱客情

送忠清道姜都事

參三首

物議重從事才名推水曹
澄清曾有志跋涉肯知
勞佐理能籌策宣風更節旄
况逢賢使相知復喜
相遭

舊有通家好今誇佐幕行
埋輪當代少負弩幾人
迎喜動山川色懽騰父老
聲明時精選在努力策
功名

執檄君先笑甄城望白雲
家山隣咫尺定省可溫

存忠孝兼雙美榮光藹一門
此行直得意別酒叙
慇懃

病中閑坐戲吟三首

兩足蹒跚行步難無心騎馬傍
長安閉門不出餘
三月荏苒炎涼轉似丸

一朝扶病出門前小坐藍輿聳
兩肩滿路兒童渾
拍手此翁矍鑠倍前年

纏綿病骨苦吟呻擁被孤眠夜
已晨自笑斷無雲
雨夢任他小妾暗相嗔

有感三首

四十五年經惺臣承乏文衡
廿二春尚把詞章鬪
年少多慙七十白頭新

少年才士揔能文，奎壁精神五色雲。老病吾今思
已寔，詞場無夢染奇薰。
國老提衡自古傳，眼前桃李揔英賢。如予碌碌何
顏面，老去文章不直錢。

七夕

一水盈盈隔幾何，一年一會亦堪嗟。鵲橋清淺秋
光早，鸞馭從容月色多。合裏蛛絲知幾處，竿頭犢
鼻獨吾家。雙星渺渺問無路，須借張騫犯斗槎。

病後把酒

力疾擡頭把一觴，且將身世已都忘。生前自可醒
還醉，死後休論臭與芳。百藥何能蘇病骨，千金無
計駐年光。殘年尚忝封君祿，乞取移封老醉鄉。

茅廬

乾坤納納一茅廬，懶性從來愛僻居。閑與壺樽時
漸熟，病於文字日相疎。園林暑退三秋後，簾幕涼
生一雨餘。晚步小塘翻百感，西風其奈老紅蕖。

秋宵

秋宵多爽塏，病骨乍輕清。蟋蟀共人語，梧桐留雨
聲。愁腸幾千結，幽夢三四更。頗憶江南興，白鷗新
水明。

閱久業

天教老子好吟哦，詩律慙非作大家。李杜雄深希
者少，島郊寒瘦奈吾何。病餘自笑焚書彙，老去都
無夢筆花。且可生前聊遣興，他時詭醬不須嗟。

懶病

懶病無堪不出門
閑中自有靜乾坤
題詩已逼西
崑體把酒頻思北海樽
屈指故人星落落
回頭世事日紛紛
更無名宦關心地
獨擬枯梧喪我存

老病自寬

荏苒歲將晚
蹉跎數又奇
功名多蹭蹬
疾病更支離
自是遠廬客
休真造物兒
平生無長物
詩酒頗相宜

閑詠

光陰空瞥眼
物我總忘骸
白日門長掩
青山闥可排
借人唯有馬
留客本無鮭
萬事皆聊耳
吾生也宜涯

憶村家

白頭身世厭塵喧
秋後那堪憶故園
準擬掉船穿柳岸
或時携酒問花村
飯炊玉粒香仍細
鱸下金螯滑更翻
却恨當年歸不早
空教稚子候柴門

夜冷

昨夜梧桐雨
清秋暑氣微
虫聲喧在壁
水色冷涵衣
老病無由健
田園有夢歸
仲宣空作賦
惆悵壯心違

中元二首

雨霽新涼斷送秋
一年時序劇悠悠
無人解賞中元節
千古風流赤壁遊
感物興懷頗自傷
盂蘭供佛最荒唐
地官下降何

人見我欲相逢侑一觴

村興

村興秋偏好歸心日夜催
白春梳飯細青入笋盤
堆行李雙芒屨風流一葉杯
故人曾有約乘月抱琴來

曉吟二首

病骨酸辛睡不成
擁衾危坐到鷄鳴
却將無限心中事
厭聽隣家鍛鐵聲
破壁殘燈焰半銷
空齋不語似僧寮
邇來移病經三月
待漏何時趁早朝

世故

世故多紅面年光已白頭
乘除皆造物生死任浮

休道直行何懼身
閑可自由悠悠迷出處
落日獨登樓

觀魚行池上作

魚兒出沒一池水
小者如針大如指
水清到底無處潛
洋洋圍圍得所止
君不見北溟之上
千里鯤候忽變化
凌青雲又不見東海
鯨鯢大如岳揚鬐
鼓浪掀乾坤
鰈鱣鯉及魴
鱖紛紛鱗族何足論
池魚池魚最可悲
相忘江海知何時
物理不齊本如此
濠梁一見那得知

送沔川李使君禮全三首

太守早相識
賢能第一流
聲名動京兆
遴選宰名州
愷悌人誰比
循良史可求
微黃應不日
借寇竟

難留

再作西關守今分南道憂當時公論在所至政聲
優襦袴千家樂耕桑百里謳褒嘉應有詔姓字覆

金甌

滿酌渭城酒秋風別恨添看君青兩鬢愧我白雙
鬚惆悵六年別從容半日談江山自迢遞信字莫
相淹

草堂

草堂俯歷小塘開日日吟哦得幾回花影巧隨簾
影轉松聲遙答竹聲來峯巒繞屋如相識鳥雀馴
庭絕不猜誰識一般清意味光風霽月照靈臺

膠擾

膠擾人間百慮煎何如閑適送殘年手中短塵禿
無尾膝上古琴焦斷絃北海風流孔融後東籬情
興陶令前引年無似安心藥不用還丹學羽仙

衰遲

誰數衰遲客自憐見在身病中嘗藥遍渴後憶茶
頻狂醉非綠酒閑愁不為貧無人可與語聊復樂
天真

消瘦

容顏消瘦壯心摧賴有愁襟仗酒開頗認事隨眼
中改那知老從頭上催駑駘自信終無用擗櫟甘
為桑不才懶自似閑閑亦懶杖頭生菌筆生埃

曉吟三首

病餘瘦骨倍稜稜眠食唯知亦不能半夜憶茶思
解渴侍兒熟睡喚無應

夜深松籟送驚湍秋氣駸駸半被寒獨坐閉窗耿
無寐月華星彩曉將闌
忽聽街頭鼓五擗紛紛車馬趨朝衙年年移病闕
門卧竊祿其於覆餗何

福慶初度

今日是渠初度日乃翁衰病雙鬢絲一任人間豚
犬子敢擬天上麒麟兒窺牛壯氣尚安在舐犢深
情乃如斯我無贏金可遺汝家世青氈唯禮詩

秋懷二首

老病侵尋日清秋搖落時安仁悲作賦子美興題

詩歲月雙飛轂功名一下碁數聲何處笛喚起十
年思

經句畏炎熱今日喜逢秋政爾踈團扇居然攬弊
裘愛閑長閑閣多病倦登樓最憶江南景蒼波繞
白鷗

紅槿花

紅槿花開秋更催朝開暮落復朝開可憐續續開
無盡猶勝情人去不來

鷄冠花

絳冠朱頂復丹心引頸昂頭似翰音却喜年年不
飛去依稀闔距小庭陰

詠李白

天上英靈太白分風流人物古無聞承恩翰苑才
尤健高調沉香酒半醺吐鳳詞華掀宇宙騎鯨豪
氣照乾坤玉樓記罷歸來未采石江頭日欲曛

病蹇

病蹇工能坐扶頭穩作眠青雲難闊步白屋合深
跽健足慙非馬加跌酷似禪履危那可得終免蹈
禍權

遠遊歎

少年弧矢志磊落遠遊四方長作客東西南北亦
自在解肉已消繭雙足抱病十年長閉閣雙鬢如
雪千丈白安能鬱鬱老一隅駕風鞭霆遊八極此
計蹇跽可如何夜夢車輪生四角

秋思

小風全退暑微雨乍生寒晚節當蒲柳芳心屬蕙
蘭葦花先露白楓葉未霜丹攬物仍多感流光疾
似灘

病吟

多日詩為祟長年睡作魔誰憐窮孟浩自笑病維
摩只是少歡適何曾妨嘯謔若教身再健萬事任
蹉跎

病餘

病餘無可口飯饌只隨耳白粒間紅豆青稂共綠
葵餽烹從老婢喫著似嬰兒蔬荀適吾性膏梁非
所期

村墅奴餉早稻十餘斛三首

山下荒田二頃餘老奴力穡勸犁鋤早秋今復收
香稻絕喜貧家甌石儲

佳實離離鵲眼黃春來粒粒白於霜不須更覓青
精飯滿意新炊滑更香

昭代功名五十年一家生理仰官錢有田欲去頻
回首長詠陶潛歸去篇

一室

一室淨如掃真吾獨樂園閉門思世柳下榻憶陳
蕃遊戲畫書在扶持藥物存悲歡頻攬鏡鬢雪白
紛紛

蘆鴈圖

西風剗地吹浙瀝澄江渺渺共天碧飛飛忽有南
來鴈低拂蘆花紛似雪江南地暖天下秋隨陽知
止餘何求湖山無處不繒繳慎勿枉作梁稻謀

風雲圖

北風黯黯雲似漆雪花如掌復如席天地中間銀
色界纖塵不動鳥飛絕何處僧歸雙足白漁舟已
泊晚山曲千村萬落景奇絕恨無灞橋騎驢客

宦海

十年遊宦海泛泛一虛舟汗漫知何適微茫祇自
浮迷途實未遠利涉復何憂更值河清運何妨納
細流

出處

出處行藏未易期，依違身世已多時。乞骸疏廣知
機早，屯骨虞翻去國遲。天地無情催我老，江湖有
約許誰知。悠悠撚斷踈鬚盡，拄笏青山頗自奇。

題拙稿後

文章體格似詼諧，自愧才名價日低。老去放翁餘
舊癖，愁來王粲有新題。閑中諷詠無非興，馬上推
敲不用迷。急喚尖頭聊戲筆，硯池秋水動龍臍。

寄靈光權上舍同年

戊午忝同榜，今經五十年。相思渺南北，惆悵白頭
新。山林君隱逸，名宦我馳驅。自識閑忙異，休論出
處殊。

西風

梧相扶雨，聒西風。物候淒涼淡，又濃月落一庭螢。
織夜雲收，萬里鴈書空。芳心黃菊為誰艷，瘦骨青
山與我同。袞袞天機流不盡，衰頽無復舊時紅。

秋日書懷

宦情羈思日悠悠，欲上元龍百尺樓。天地一身空
病骨，江山萬里又清秋。雨聲長入芭蕉老，風色先
催菡萏愁。記得江湖昨夜夢，白蘋紅蓼木蘭舟。

閑忙

閑忙因出處，朝市異泉林。歷歷江山阻，悠悠歲月
深。未尋三徑去，空愧二毛侵。四海知音少，秋宵月
滿琴。

夜詠三首

病餘空腹手摩挲其奈深秋永夜何急喚女奴供
小酌獨憑孤枕落燈花
七十光陰病日增百方千藥救無能香醪一滴聊
憑仗絕粒渾如面壁僧
徐家肺不沈家脾暮粥朝饘不滿匙口業如今拋
已盡紫芝何處可療飢

佛巖山

佛巖山下有茅廬當戶峯巒盡不如今日追思謝
公屐當年幾倒潘閔驢落花流水仙家是古木回
巖竇剝餘猿鶴年年應悵望袖中已草乞骸書

秋雨

蕭蕭一簾雨滿意洒餘清篁竹深秋色梧桐昨夜

聲漸知紈扇歇轉覺苧衫輕惹起田園興江湖爛
熳情

孫亞相 彛考 金叅判 李叅判 致全 來訪

寂寥門巷遍蒼苔多謝諸君為訪來頗恨數旬還
往少不妨終日笑談陪金侯酒量江湖窄孫老詩
聯霹靂催更有玉如才思健風情如我獨摧頽

古人

古人賢達去何之寂寞千秋姓字垂彭澤身閑松
竹菊廣文官冷畫書詩斗升那復腰常折樽散會
驚髮似絲惆悵九原呼不起欲將蕉荔酌芳卮
初見瀛奎律髓名集之意頗艱險讀所集之
詩與唐詩鼓吹三體詩不同其評論批點不

及須溪遠矣嘗看圓珠處有苔色照人衣者
有雨裏得窻光者極口稱譽是不知何等語
耶仍吟數絕云

作詩差易揀詩難分別雌黃豈一端律髓評論批
點在何人具眼細尋看
須溪老手古無多評點張皇幾大家千古何人續
遺響紛紛諸子奈渠何

小屋

小屋蕭條一膝餘時時黍字白生虛生逢漢宋重
熙後志在羲皇大古前學步功名今轉拙効顰世
態輒生踈一心自有天君在得失升沉且自如
相思怨

仰觀天上明月光俯視庭中幽蘭香洞房寂寂秋
夜長半被老却雙鴛鴦我思美人空斷腸美人貌
在天一方欲往滄海無舟航我無羽翼能翱翔紅
顏皺盡半死僵兩眼如雨露衣裳不怨美人怨彼
蒼哀鴻叫盡飛清霜

白髮

白髮長年病鳥巾盡日閑茶甌蚯蚓竅香鼎鷓鴣
斑隱几消清晝開窻納遠山高吟聊遣興倦鳥亦
知還

遣懷

短髮刁騷不滿梳光陰荏苒似遠廬功名未了一
張笏計活猶餘千卷書蹭蹬有詩憐杜甫流傳無

賦似相如半生已被儒冠誤何不歸休早卜居

夢見黃翼成公喜來訪

黃翼成公壽九旬平生福德古無倫夢中來訪知
何意衣鉢當傳老病身
宣尼行道轍環流恨不衰年夢見周我夢見周那
可得黃公入夢亦嘉休

閑吟

紅塵身是累青鏡鬢成斑歲月駟過隙功名鮎上
竿高情孔北海妙句陳后山勇退知何日由來止
足難

謝孫七休惠黑豆

種豆南山收幾斛贈來虬卵滿盤堆添身豫讓初

相見白眼嗣宗又復來

讀李白清平調

風流誰似謫仙才天子呼來醉似堆高調清平擅
今古沉香亭北牡丹開

讀杜甫麗人行

三日曲江多麗人紛紜香麝綺羅春風流杜老人
休問背後遙看發興新

書懷

身在醢鷄甕裏天眼前萬事劇悠然從教靈運後
成佛絕喜三喬曾學仙白髮依違南郭隱青山寄
傲北窻眠出門騎馬將何適多路亡羊已十年

送李叅判瓊全歸全州

西風策策秋日暉李侯別我湖南歸湖南昨夜夢
庭闈家山入望馬如飛甕城佳麗文物新高堂一
笑回青春銀甕試開紫霞醅金盤香送蟠桃來繡
幙羅幃揭白日蛾眉蒲座皆絕色玉纖錦瑟歌遏
雲羯鼓十枝如雷喧李侯起舞獻壽觴彩衣錦衣
交輝光經筵學士黃金腰天香馥郁薰獸袍兵部
才名滿國知韓信旌旗謝眺詩鄉并父老多似甬
仰若山斗爭快觀如此恩榮古不多忠孝雙美知
幾何我於李侯葭莩親昔年曾謁尊夫人萱草堂
前清晝長桃李園中綺筵張百花爛開翻錦萼萬
竹森立攢玉槩我時痛飲醉如泥落紅無數襯馬
蹄如今卧遊空白頭送君情思何悠悠麒麟峯下

山如蛾萬景臺前月似波

有感二首

光陵至治協天心人物英雄似盍簪當日朝臣臣
獨在鼎湖瞻望淚霑襟
不才踰分入花磚咫尺重瞳近御筵四十五年渾
似夢蜚英當代愧時賢

園中黃楊綠竹相對而立悠然有作

移病多時晝掩扉園中日涉趣多奇何人得見黃
楊縮今我高吟綠竹猗矮質昂歲閏月後貞姿滿
洒歲寒時秋風剗地紅蕖老感物悠悠有所思

促織

長夜深深不自由蟲聲四壁聒清秋未知絡緯催

何織不織秋衣織得愁

螢火

夜靜無風月落初忽看螢火照窮廬不須窻外頻
來往我病年來廢讀書

自述

竊祿明時五十年時時攬鏡白髮顛一中自笑醉
徐邈三絕曾非老鄭虔麟閣圖形叨盛際鑿坡載
筆愧諸賢誰知耿耿丹心在千載虛名信簡編

詠懷

清秋氣蕭爽寂寞似僧家揮客科頭坐偷閑信口
哦落葉書為紙香芽煮試茶從來踈懶性亦復厭
繁華

用前韻

風雨已穿屋詩書空滿家雖然嬰疾病亦不廢吟
哦靜寫蠅頭字閑烹蟹眼茶逍遙聊自適荏苒送
年華

三用前韻

名本皆虛譽詩難作大家供閑惟有睡遣興莫如
哦李白一杯酒盧仝三椀茶故人皆寂寞今我鬢
先華

書菊軒崔上舍詩後

上舍崔傳屢屈場屋終身眊矐道遇水災
窮餓而死嘗有詩云春軒之後菊軒翁壽
到稀年兩頰紅一事只應方寸愧謾將檮

襟位三公入問曰是何詩也倅曰是倅年
登七十位至三公之詩識也一痊皆笑今

見詩編有感而作

菊老乾坤一腐儒終身眊矚颯雙鬚堂堂自是奇
男子落落元非賤丈夫醉發談論增慷慨戲成詩
識竟虛無我今一讀遺編在悵望江臯骨已枯

賀權大司諫

仲麟

南宮地位達亨衢今復榮遷諫大夫骨鯁直言持
白簡從容論事伏青蒲紫薇垣掖連紅藥綠竹埤
尋接翠梧焚草歸來香滿袖朱衣雙引喝前途

少壯

少壯時難再襟懷鬱不開老曾驚鶴髮病已怯蛇

杯睡被閑情惱詩憐逸興催滿朝皆俊傑潦倒愧
非才

謾題

東華萬丈軟塵紅自笑乾坤一老翁久病尚餘肘
上柳新愁自約鬢邊蓬畢即持蟹清秋後張翰思
鱸昨夢中悵望江湖歸不得明朝欲借半帆風

秋霄

碧天無際鴈行高半夜松風細送潮渺渺家山歸
夢斷玉人何處捻鸞簫

病後戲作

醫士勸吾休飲酒儒家欺我酷耽詩今朝破戒翻
成笑醉酒顛詩自不知

謝江原曹監司幹寄入蓼

藥聖入蓼出古方一枝三桠最為良忽承佳惠能
無感病骨還蘇喜欲狂

孫七休畫竹一枝贈李君評僕走書古風一

篇別李君仍戲七休

君不見文全畫竹天下奇又不見東坡畫竹又能
詩今之七休無乃是一幅花牋橫竹枝細看筆意
新又新一點檢真非真中間形似不須說直以
此君比故人偕佐李侯才第一奉使嶺南快飛駟
白雲渺渺花山前去謁高堂垂白髮惟忠惟孝在
此行所以勸勉何丁寧竹無曲性何堅剛竹有大
節何分明期君以通中外 凌霄萬丈之高標擬

君以虛心瘦骨傲雪歲寒之清操下視桃李總麤
俗聲中律呂諧虞韶長歌猗猗淇澳篇切磋忠孝
能雙全不用曠達追六逸不用清虛學七賢不羨
渭濱千戶侯不効蔣徑遊羊裘君似竹耶竹似君
伯仲高致真風流深根入地蟄龍知有時食實鳳
凰儀人生何可居無竹俗士無竹不可醫重為告
曰竹兮竹兮百卉魁勸君愛之好栽培年年生長
籟龍兒森森織織成奇才玉筍班中推第一千古
聲名垂簡策七休畫意人莫問請看四佳詩一律

偶吟

蒼海有朝暮青山無古今蕭條一生事磊落百年
心自有黃梁枕何須綠綺琴昏然迷去就抱膝獨

長金

演雅

隙駒光陰逝似流鷄蟲得失謾悠悠何人善馭王
良馬有容空訝甯成牛兔角龜毛難自料獐頭鼠
目復何求平生未盡屠龍技浩蕩終期狎白鷗

衰病

衰病將何用形骸不可逃才名尖鼠尾世事刮龜
毛白屋身如寄紅塵目已蒿田園空悵望江漢不
容刀

西風

西風籬落豆花肥簾幙深深竹映扉宋王悲秋無
盡思登臨其奈送將歸

遣懷

青鏡依然白盡鬢新愁舊恨日相兼病難救急三
年艾用已乖時六日蟾酒帚詩鉤心自適書籤藥
累歲將淹人間萬事都無管身世優游付黑甜

野人餉蟹

野人來贈蟹病容喜題詩自有蹒跚態誰憐郭索
姿形模雖可笑風味最多奇况此雙螯美還宜交
部持

秋宵

秋氣涼於水高吟坐捲簾長風輕似箭新月曲如
鎌客夢蛩邊惱鄉心鴈外添宵長耿無寐扶杖更
巡簷

秋思

白露橫秋水接天蕭蕭黃葉簇寒烟不須空費江湖夢擬釣槎頭縮頸鱗

秋夢

碧天如水鴈飛飛綠艾紅蕖已半非夜夢更隨楓葉亂片帆歸去就鱸肥

有感

過眼光陰七十霜容顏消瘦鬢蒼浪生前行樂詩千首死後虛名紙半張老去英雄還蹭蹬時來人物自飛揚更無浮世升沉夢閑讀黃庭一兩章

自嘆

妙齡通籍忝金閨萬里亭衢步可梯意氣冲霄看

鸞鷲文章探海掣鯨鯢中年揚歷思猶健晚節才名價自低時復高吟還自笑此心已作絮雷泥

對月

龍鍾烏帽顛西風坐對水輪輾碧空李白風流一杯酒詩成半醉半醒中

江湖

江湖秋政好夜夜夢還鄉鱸鮓思工部持螯憶吏郎黃憐新稻熟青愛晚菘香野老罷爭席相逢具酒觴

叙懷

年來復此愛吾廬落落交遊信字疎老去常思妾換馬病餘喜見兒讀書南池明月圓還缺北嶺閑

雲捲復舒秋夜深
耿耿無寐挑燈獨坐
眼如魚

書文翰類選後

雅頌遺音久矣亡
中間荒怪笑蒙莊
賈空對策鳴
隆漢韓子文章擅
盛唐詩道中興推
李杜詞場獨
步數歐黃餘芳賸
馥今猶在誰繼前
賢更發揚

黃塵

門外黃塵已沒靴
獨騎瘦馬帽簷斜
追思七十年
間事百計蹉跎兩鬢華

夜詠三首

容顏已老病為媒
破榻欹危夜漏催
做寐忽驚風
雨驟松聲交作竹聲來

空庭月落夜深深
秋氣侵尋入布衾
我不憂時如

祖逖聞鷄起舞是何心

一盞青燈翳復明
攬衣危坐瘦堪驚
女奴手撥寒

爐火時聽沙甌沸藥聲

送天安崔郡守次李陽原韻

妙手何勞宰一州
風流時復習池游
聖君應下徵
黃詔民物皆思借
寇留宣化樓前碧
山晚鼓庭門
外紅葉稠六載絃
歌治第一循良人
物復何求

寄林川金太守

聖興山下古加林
我昔登臨盡日吟
最憶今時賢
太守相思南北十
年心

閑中

求閑甘守寂多病
懶朝參白酒持螯
笑青山捫蝨

談儲書籤滿架縱筆墨渾衫萬里秋風落登樓思
不堪

自笑二首

明時豪傑滿朝端鎮定邦家將相歡白髮詞臣無
伎倆小窻紅日抱書看
五判列曹無小効再為亞相竟何成十年又忝封
君祿長愧虛名竊寵榮

村人送魚蟹

昨夜江湖夢今朝眼忽開喜看魚婢至復此蟹奴
來晚飯多蕪味新醪又一杯衰腸良可補病口興
先催

擬古

焚香終日坐書齋渺渺前賢不可儕叔夜養生先
養性劉伶忘死未忘骸悲歡得失非吾累出處行
藏與道偕人物文章思賈董可憐方朔謾詼諧

高中樞所藏崔隱畫山水八疊

尖峯

尖峯高聳插青空多少樓臺上下同山下晴江明
似鏡晚舩人語水聲中

鴈行

數行鴈字咄書空弟弟兄落晚風借問為誰傳
信字望鄉人在畫樓中

岩堯

岩堯傑閣護烟霞山下松篁野老家兩箇漁舸向

何濠半竿西日已橫斜

奇巖

立立奇巖枕水邊上方樓閣架層顛杖藜一徑僧
尋寺夜半鐘聲到客船

山中

山中古寺喧松籟山下幽廬靄竹扉羨殺溪翁垂
釣坐溪流新漲蟹兒肥

風雨

狂風號怒雨昏昏水漲前溪路不分客子寒驢忙
底事半橋零落又西曛

兩山

兩山元自一山分南寺遙連北寺門遠浦橫舟迷

近浦後村籬落似前村

新雪

飛飛新雪白於絲懸瀑如銀掛半天山店閉門人
語少寒江何處一漁船

古意

我有無絃靖節琴生平斷不遇知音夢中說夢元
非夢心外求心不是心地關天開寬蕩蕩風光月
霽趣深深古人寂寞將誰適座右當銘警誡箴

中秋前一日詠月

嬋妍二七月待滿近中秋最愛金波灑誰將玉斧
修星辰隨斗轉河漢界天流萬里清輝遍通宵不
下樓

中秋月

今當三五夜月色十分圓玉鏡初開匣金輪輾上天
可憐蟾魄滿絕愛桂香偏達曙宜清賞追權又
隔年

自述

人間歲月聳崢嶸白髮鬢鬆老可驚世味不知如
啖蔗塵蹤自信似浮萍曾無勲業追三傑妄擬文
章學兩京晚節優游聊復爾從前箕斗愧虛名

秋樹

玲瓏秋樹蔭寒塘勾引蟬聲餞夕陽一枕微涼初
睡覺閑情詩興兩茫茫

惜蓮

紅殘綠謝不禁秋空使幽人惹起愁賴有小塘方
寸地白蘆黃蒿似汀洲

獨坐

獨坐身猶寄殘年意轉懣竹聲喧午榻花影可晴
窓衰鬢紛於雪空腸咽似江有懷難自遣安得筆
如杠

送盧大司成

自亨乞退還鄉三首

急流勇退古來稀今見先生乞骨歸可與兩疏相
伯仲高名青史映輝輝

聞說南湖似鑿湖江山更擬朝川圖知章雅尚王
維興去去君今兩得無

同僚廿載忝交遊愧我衰遲白盡頭七十明年當

致仕送君今復思悠悠

攤飯

攤飯南窗獨自憑烏巾半頂髮鬅鬢壯遊萬里思
司馬歸興三秋憶季鷹竹影篩簾金破碎浪花翻
辟玉峻嶒自知多病防趨拜客至敲門喚不應

閑中寓懷

一身多病且衰遲物議紛紛百不知白髮悠悠長
袖手青山默默獨支頤書籤筆架閑相伴藥鼎茶
甌老更宜晴日小窓酣打睡忽驚喜鵲語蒼枝

矮松

手種矮松三十秋如今長不出墻頭憐渠晚翠遲
遲節許我終同老一丘

自笑

迂腐何曾達古今經邦濟世力難任平生所得能
多少勤苦看書枉費心

偶吟

過眼星霜換驚心老病催送窮窮不去符富富何
來托契毛錐子知音翹秀才悲秋空作賦頻上望
鄉臺

用前韻

只益丹心苦休嫌白髮催燕知社日去鴈帶秋色
來蒲愧為殘質樗甘是散才有懷空跌蕩欲上妙
高臺

題美人賞春圖

詩集卷五十一

竹籜韞烟藏翡翠荷盤擎雨蓋鴛鴦美人睡起嬌
無力閑捲珠簾看海棠

題美人避暑圖

珠盤和露黃金果銀梳點冰白玉漿紈扇小風清
似水閑調錦瑟和霓裳

秋懷

日月躔何急秋懷老可驚蜻蜒迷晚色蟋蟀送寒
聲江海三年夢田園一片情不如歸去好何用占
時名

秋晴

小堂秋日靜移坐趁晴輝地僻門扉掩官閑客亦
稀黃知一葉落青愛四山圍感物悲雙鬢明朝又

授衣

客來

客來相對坐圍碁敵手能無勝敗時直擬邀留聊
遣興終然一笑勸深卮

客去

蒲團終日笑談同相視心肝照膽銅薄暮主賓相
揖別半輪明月上梧桐

上將秋狩政府六曹進宴臣以病不參悵然

有作

聖君高拱鬱金袍佳氣氤氳靄紫霄上下螭階巖
虎豹東西鷄列簇蟬貂壽觴滌灑呼齊岳仙樂鏗
鏘見舞韶臣病未能參盛會只將丹懇祝神堯

聞鴈

遠山如黛復抽簪黃葉飛飛間翠嵐獨倚高樓聞
鴈過夜深和月落江南

草書行贈金子固

二張已逝右軍非章草稱聖天下稀中間作者多
似雨家鷄野鷺不須數君從何處得草訣筆畫超
詣頗奇絕如今為我書數張風雨颯爽生中堂鸞
翔鳳翥蛟龍躍玉樹交柯纏鐵索一肥一瘦骨肉
均飛動變化驚鬼神不必學顛長史濡頭醉狂突
不必見公孫娘拔劍舞混脫下視崔杜為僕奴直
與衛素爭並驅四佳老人非具眼得之朝夕作珍
玩君不見李太白草書行一為懷素揚名聲又不

見杜子美草書詩更為張旭能發揮我欲鋪張為
君誇才非李杜知奈何才非李杜知奈何

曉詠

萬籟膠刀徹夜鳴燈殘月落欲殘更年來多病聾
雙耳錯認松聲是雨聲

黃花欲開悵然有作

頭邊歲月似飛梭斗覺霜毛已半加欲討尊鱸時
已晚一秋情興屬黃花

即事

殘年抱病懶朝衙身世真成畫足蛇歸興當秋濃
似粥宦情垂老薄於紗未尋廬岳高僧話欲訪西
湖處士家搖落情懷轉蕭瑟不妨新酒遣兒賒

陰雲

陰雲將欲雨虛閣自生風
落葉敲階竹寒聲入井
桐塵埃迷野馬霄漢羨雲鴻
潦倒交遊冷乾坤一
病翁

多病感秋

多病工深坐酣眠喚不醒
吾頭多日白俗眼幾時
青玉露汀蘭郁金風月桂香
田園秋收好欲謝草
堂靈

望月峯

有峯奇處獨登臨萬里乾坤萬里心
芳草背川崔
顛句高山流水伯牙琴白鷗可狎滄溟近黃鶴難
招歲月深立向西風增慷慨英雄萬古恨銷沉

書拙稿後

僕少有詩癖凡懽娛悲感寓目屬耳一於
詩發之有書于稿者有不書者不知其幾
今搜閱舊稿已萬有千首猶不廢日課誰
知不切於時無益於後亦不自己癖之甚
一至於此嗚呼悲哉

剛後無詩繼亦難何人今古擅詞壇
杜陵名續風
騷後李白才高天壤間陸海潘江皆婢膝
郊寒島
瘦亦兒頑我今萬首將何用畢竟誰家
畧醬看

酣眠

病後頭慵半月梳一簾梧竹伴幽居
酣眠盡日心
無管閑却牙籤萬卷書

道中

烏巾半倒撼西風收拾江山阿堵中
驢背聳肩詩滿袖儘教人喚一詩翁

寄專上人

物態人情已備嘗世間無地不羊腸
軟談憶共高僧坐豁我煩襟沃雪霜

送權翰林

五福榮親之醴川二首

早登龍榜入金鑿今復榮親衣錦還
綺席為開樽北海瑤觴更獻壽南山
鄉閭聳見挑燈話親戚齊聲滿坐歡
聖代崇文更崇孝一時佳氣藹門闌
紫宸闕下荷恩綸具慶堂前一笑春
物色淨無秋色好斑衣交映繡衣新
少年擢第多揚尹晚節誇

鄉笑賈臣為報聲名當自惜更將忠孝答君親

送成上人還白巖寺七首

長城渺渺隔湖南古剎蕭條是白巖
政尔秋風吹更落故山歸去更禪叅

一瓶一錫仍一鞋蕭寺還同一鶴栖
臘雪滿山人不到山茶花下翠禽啼

蕩蕩乾坤送路賒師行到處即為家
挑包又向山中去流水浮雲天一涯

師今贈我一烏笻鶴樣龍形自化工
老病年來雙脚軟扶携起立最多功

一封雀舌十分香汲水閑煎折脚鐺
魚眼已過生蟹眼啜來端可潤枯腸

杏村積德鐵城門今我三人亦外孫
碩刹主僧成
萬德也宜珍重護深恩
李白巖本村碩堂也今監司李公諱亞使尹公坡皆外
為報長城河使君君於鐵李亦連姻白巖碩刹宜
先護主寺今逢成上人

秋興

藤床竹簟覺生涼
紈扇知幾已退藏
失志池荷餘舊綠
得時籬菊艷新黃
霜風容易青山瘦
世事商量白髮長
我似淵明偏有興
十分秋色近重陽

夜吟

獨坐挑燈落盡花
旋聞街鼓已三挝
枯腸病後如雷吼
手切薑蔥點小茶

即事

歲月垂垂赴壑蛇
心情練漉更蹉跎
平生最有酖花癖
黃菊開時逸興多

思歸引

長空無雲月如餅
鴈飛一一江涵影
山南山北紅葉多
渚清沙明蘆葦花
白酒已熟黃鷄肥
鱸魚政美螯可持
放船落日何處客
萬里一瞥帆飽腹
渺渺余懷江之南
石田茅屋荒徑二
悵望思歸歸不得
西風一夜頭雪白

閑趣

漸識閑中趣
能通蔗境佳
扶身烏竹杖
行脚青草鞋
不學飛仙術
時逃繡佛齋
北窓高枕卧
身世已

詩集卷五十二

忘骸

三秋

日色三秋淨風聲萬籟豪頻思陶令酒誰送畢郎
螿紅葉同搖落黃花共寂寥無才能作賦有興欲
登高

節序

節序堂堂不暫停一生心事漸彫零多時長笑吾
頭白何術能教俗眼青海上豈無仙子葉天南知
有老人星期我已遠知音少一曲峩洋誰解聽

明窓

明窓淨几坐焚香頗覺閑中趣味長交絕陳蕃懸
容榻詩多長古滿奚囊一生已誤謀身計百歲何

須却老方但得有錢勤買醉是非憂樂兩相忘

對菊

性癖平生戀物華百花種種賸天葩吾心清苦憑
誰訴不訴梅花訴菊花

門掩

門掩苔痕半上扉交遊漸冷曙星稀滿庭落葉無
人掃時復隨風上下飛

白頭

乾坤容易白吾頭歲月駸尋已暮秋奔走塵埃雙
短劍風流湖海一扁舟誰憐杜甫吟詩瘦謾擬江
淹作賦愁九九良辰今不遠欲扶衰病上高丘

寄鄭大司成

孝恒

南原村墅

磊落前身老鄭虔故園歸去興悠然士龍自有三
間屋季子能無二頃田人物風流盤谷後江山圖
畫朝川前聖君方急求賢夢鶴詔知應起舊賢

秋聲

小院深深爛熳晴閑堵高枕聽秋聲迸林竹槩因
風語滿壑松濤作雨鳴何處晚涼吹鐵笛幾時清
露滴金莖此間不可無高韻欲倩桓伊坐撫箏

即事

葉落空庭錦作堆門堪羅雀斲人來幽禽喚醒江
湖夢坐數黃花開未開

秋懷

納納乾坤大悠悠歲月催人從荷共老秋逐鴈同

來落葉明村逕寒江繞釣臺十年湖海興白鳥是
良媒

述懷

十年多病抱支離鏡裏堪驚兩鬢絲交道一生誰
鮑叔知音千載少鐘期錢兄交絕書曾著麴老情
醇契亦宜晴日滿窻秋色淨黃庭寫罷又題詩

讀岑嘉州集二首

盛唐人物總能詩詩聖皆推杜拾遺時復唱酬岑
與賈杜甫岑參賈至有才名藉甚足攀追

嘉州句法亦清新賸馥餘芳可後人淨几明窻時
一讀渾如啖蔗味津津

重九前二日

一樹梧桐秋色老，落葉滿庭憐不掃。晚風籬落數
叢菊，顏色鮮鮮為誰好。四佳老人雙鬢白，對此絕
艷三嘆息。世無陶令吾誰從，頭上葛巾高似屋。

重九前一日

老病襟懷未易前，每逢佳節思悠然。黃花今日如
前日，白髮今年異去年。棗酒已香宜盡醉，萸囊雖
在向，誰傳明朝準擬作重九。醅還思杜牧賢

重九

戊申

佳節重陽興頗饒，無人邀我共登高。自憐陶令空
耽酒，長愧劉郎不識饒。滕閣開筵殊絕勝，龍山落
帽亦狂豪。良辰不可虛辜負，手掇黃花泛白醪。
是日客來小酌醉啗

客來聊復講歡娛，醅酌仍教驥子扶。莫遣西風吹
帽落，羞將短髮挿茱萸。

浮碧樓行贈成都事兼簡李方伯博笑

浮碧樓中雲千秋，浮碧樓下江水流。浮碧仙人去
不返，白雲黃鶴空悠悠。永明寺裏麒麟窟，大同城
外鸚鵡洲。我昔少年頻來往，風流行樂取次遊。闌
槩桂棹截紅浪，青娥皓齒載畫舫。鴟絃織撥度晴
空，羯鼓百技春浩蕩。百花爛熳雲錦堆，十千美酒
黃金壘。航船十分掉已空，醉倒玉人非人推。有時
作詩霹靂急蛟龍，新愁鬼神泣。月明牛斗相徘徊，
蜉蝣天地渺一粟。無奈後身東坡仙，赤壁山水還
依然。歸來醉卧風月樓，荷花百丈大於船。今時方

伯廣原老落魄與我真同調巫山雲雨腸已惱羸
被傍人拍手笑君今去作幕中賓一一為我開詳
陳多君奇遊值少年少年安得長青春四佳老人
年七十閉門盤脚頭雪白髀肉已生高於山尚想
舊遊腸欲裂腸欲裂可奈何為君一唱陽關歌陽
關西出無故人萬古不改唯山河牧丹峯上月似
盤朝天石下江自波

書懷

名已儒冠誤官宜老病休逢人長失足遇事或低
頭幾向屠門爵何勞杞國憂詩書聊自適世事謾
悠悠

再用前韻

歲月駁尋去功名取次休半生長病蹙數月不梳
頭榮老謔三樂張衡賦四愁乞骸書未就身世更
悠悠

三用前韻

人間多變態林下孰真休歲月悲青鏡功名枉白
頭江山千里夢風雨幾番愁悵望田園阻浮生轉
繆悠

懷古

坐閱詩書欲白頭英雄今古事悠悠張良勲業封
留足劉向封章為漢謀松菊荒涼三徑月烟波浩
渺五湖舟前身趙嘏人休笑長笛聲中獨倚樓
夜詠

秋宵耿無寐獨坐手焚香
邵老行窩樂莊生泰宇
光簾攏俱闋寂星月斗淒涼
已絕繁華夢江湖意
不忘

居正與金光城謙光金留守未濡李參判約

東任西河元濟會安東京邸兩金一李皆年

過七旬居正年六十九西河年六十六

昨夜南極老人星照此安東京邸家
今朝五老忽相逢年皆七十雙鬢
皤容顏矍鑠多清癯行步蹒跚
信杖扶起居隨意禮數寬論談
袞袞開歡娛座中老妓三兩人
鴉鬢散亂愁暮雲揮手促令罷
謔舞我非少年醉紅裙時秋菊
花爛熳開美酒潑灑黃金杯我
輩年衰皆諱酒只見盤中山果
堆徘徊

不覺日西暉更有小雨來
霏微穩跨藍輿各分散
老來會合還依依

題乙卯契軸

豪傑皆同甲蜚英際盛辰
金蘭曾托契綃幅更傳
神樽酒交遊數風流氣象新
丁寧膺福壽共作老
成臣

尹鈴原宅醉歸

詩酒顛狂醉不休何妨秉燭
費淹留有時落帽樽
前卧遮莫佳入笑白頭

有感

五十年間事宦遊平生心跡
大悠悠乾坤不貸一
身病歲月無私雙鬢秋
往事歸來迷柱鶴閑情浩

蕩約沙鷗浮沉鄉里餘無管欲學當時馬少游

鬱金

小園多種鬱金黃秋後能高百尺強盡日小風吹
不斷時搖鳳尾送清香

送表掌令

送沫

分巡平安道二首

昨夜法星照西北今朝侍御馬如飛明時慷慨宜
廉訪當道澄清屬指揮玉斧威聲傳藉藉繡衣光
彩更輝輝平生疾惡如風手按部行行得意歸
冰雪精神鐵石肝分司聲譽動臺端豺狼遠遁驚
心膽鷓鴣高飛振羽翰朔北江山多絕遠關西民
物說彫殘知君夙抱醫民術去去能宣聖澤寬

印事

寥寥庭院霜葉多獨倚闌干對菊花老去生涯轉
蕭索有詩無酒奈醒何

瘦骨

秋風瘦骨倍稜稜吟苦從前似杜陵老去功名頻
攬鏡十年牢落讀書燈

秋夜

閑愁無盡秋夜清半被生稜睡不成忽有南飛何
處鴈數聲和月打寒更

述懷

悠悠身世飽辛艱流水光陰挽不還青鏡有時悲
白髮黃金無術駐紅顏平生畏病還多病晚節求
閑未得閑欲試囊中殮玉法紫芝何處是商山

老去
老去公私事事癡
開懷非酒即為詩
滿朝豪傑多
於織長愧歸田問舍遲

官閑

官閑無復管朝衙
棊几牙籤自一家
病眼看書多
醫膜枯腸得酒欲
搓牙北風剗地山新瘦
西嶺凌霄日易斜
獨坐吟哦空白髮
晚霜籬菊尚餘花

夜雨

十月蕭蕭雨通宵
未肯晴驚殘孤枕夢
滴碎故鄉心
燈影迷窻影
松聲和竹聲
擁衾坐無寐
歷歷數寒更

賀李大司憲則三首

臺諫由來用俊才
喜君今復長蘭臺
聖君容諫開
言路慷慨封章氣似雷
乃祖容軒李政丞
三為憲長早蜚騰
箕裘事業君
休負終到台班亦可能
不分曾叨憲大夫
十年重到白雙鬚
如余碌碌何
須數補袞會慙一字無

送雲峯卓使君之任

昔過雲峯縣
縣分兩道疆
山形連智異
地勢近咸陽
接屋民居勝
參天樹木長
送君今作宰
朝選得循良

里閑情偏重
分離思不禁
莫辭一杯酒
相憶六年
心畫戟蘇州
寢鳴絃宓子
琴徵還應不日
高步冠

朝簪

次李郡事

調元

見寄詩韻寄光城村墅

同甲又同開交遊自少時中間多聚散歲月劇奔
馳袞袞傳音耗悠悠費夢思年今皆七十鬢髮各
况然

又

多君早上乞骸書白髮紅塵定笑予丘壑風流已
自得壺搏行樂還有餘陶潛早愛田園樂杜甫長
憐水竹居我亦今年當致仕問君歸去就鱸魚
先生別墅景森羅花滿幽蹊竹滿家時倩佳姬歌
白雪日開美醕酌銀河當年名宦危機足自古山
林樂事多如我功名知不分可堪衰老抱煩疴

又

別來已過十重陽南望關河道路長老去情懷倍
年少一封書寄九回腸

送慶源黃府使

士恭

二首

少年名將氣豪英出鎮雄藩杖鉞行紫電青霜看
武庫紅旗黑製照兵營懷綏殊俗籌應熟撫字邊
氓政亦成宵旰從今寬北顧堂堂衛國作長城
長白山前雪政霏暉暉節鉞馬如飛折衝樽俎歸
談笑鎮定封疆屬指揮閑愛幙蓮紅細細靜看營
柳綠依依北門自此風塵靜會見燕然勒石歸

賀安大諫

珣

四首

鑿坡學士寵恩殊今復榮遷諫大夫聖代如今言

路闢如君慷慨古應無
尋梧埤竹掖垣開馬首朱衣喝道來自是聖明封
事少紫薇花下醉傳杯
承乏曾叨右大夫二年默默口含糊壁間只有題
名記補袞還慙一字無
當年烏府忝同官憲長才疎愧滿額七十吾今頭
白盡喜君飛步立朝端
戊申冬至以病阻朝賀
至日陽生一清晨鼓報三光陰易流轉衰病懶朝
參豆粥添崖蜜栢醪浸乳柑良辰真若此年老我
何堪

以足疾未赴柳武靈子光榮招仍寄以詩

可憐病學士今似蹇浮屠半月慵騎馬多時睡據
梧衰遲空落托感激費招呼恨不忝高會蹒跚信
杖扶

寄任西河

邇來謗譏幾驚心頭上明明帝有臨今見一門同
日慶白頭年老喜難禁

寄金光城

功名多蹭蹬疾病且纏綿世事渾無味悠悠七十
年

謝崔校理溥寄黃柑

相思日日憶湖南七十年來病不堪多謝故人心
鄭重一封書寄十黃柑

寄成中樞

倪

燕山萬里好言旋，篋裏珠璣幾百篇。直欲訪君快
一讀，其於衰病苦纏綿。

送禹節度使

賢孫

二首

將軍橫槊氣英豪，萬甲蟠曾壯六韜。北關承恩分
節鉞，南藩出鎮擁旌旄。指揮豪傑謀猷壯，鎮定邊
疆畫策高。紅幙碧幢無一事，雅歌聲裏酌春醪。
昇平形勝古今奇，燕子樓前八馬碑。黑梁紅旗開
府日，青娥皓齒押筵時。扶桑曛出蒼溟靜，細柳春
深白馬嘶。更挽天河洗兵甲，長城萬里鎮邊陲。

四佳詩集卷之五十二

先族祖四佳先生以文章大家鳴于東國而其
遺集散軼不傳於世久矣幸而吾宗諸父兄前
後蒐訪得數十編於二百餘年之後即

成宗朝書芸閣所印活字也間多脫落未成全
秩僅什之二三更待廣求補缺入梓者有年矣
今文裕幸蒙 國恩出按南服仲氏議政公抵
書曰四佳集改刊吾輩責也失今不圖恐泯而
無傳雖未得全帙盍亦速付剞劂氏以壽其傳
耶乃以家藏舊本仍為編次又以出於他書者
彙為補遺以寄之即鳩材聚工閱數月而後已

完摠若干卷噫以先生之文章詩文諸集已經
睿覽於生前且令刊行於芸閣而終不得流傳
於後世則豈但為詞林之欠事實是吾宗所慨
恨也仍記其顛末庶使後之有志於斯文者收
拾散亡以補其闕編云爾

上之三十一年乙酉族孫嘉善大夫全羅道觀
察使兼兵馬水軍節度使巡察使全州府尹
文裕謹跋

